



Siumut

Inatsisartuni Ilaasortaaitat / Landstingsgruppen

### **Aviisinik nassiussinerup immikkut akeqartinneqarneranik atorunnaarsitsinissaq.**

Aallarniutigalugu § 36, imm. 1 naapertorlugu Naalakkersuisunut apeqquteqaat nassiunneqartoq pillugu qujavunga. Apeqqutip aviisinik nassiussinerup immikkut akeqartinneqarneranik atorunnaarsitsinissaq pillugu Naalakkersuisut aalajangerannik itisiliillunga nassuiaanissamut periarfissippaanga.

Naalakkersuisut aalajangererat inuiaqatigiinni oqartussaaqatigiiffiusuni tusagassiorfinnut atugassarititaasunik atuartartullu periarfissaannik ajornerulersitsisoqassanersoq pillugu apeqqummut akissutissara ilaatigut aviisinik siararterisarneq pillugu siusinnerusukkut aalajangerneqarsimasunik pissusiviusunillu tunngaveqarpoq.

Post Greenlandip niuerfiini tamani niuernikkut teknikkikkullu ineriartornerit pissutaallutik Post Greenland aningaasaqarnikkut ajornartorsioraluttuinnarpoq, tamatumani pingaartumik allakkanut poortukkanullu tunngatillugu tunisassiat pineqarput. Ukiut kingullit ingerlanerini allakkat nassiunneqartartut ikilingaatsiarsimapput, taamatullu ikiliartornerat ingerlaannarpoq. Assersuutigalugu Danmarkimiit allakkat timmisartukkut nassiunneqartartut 2001-imi 337 tonsiusimallutik 2007-imi 228 tonsinut ikilismapput (32%-inik). Taamatuttaaq poortukat Danmarkimiit nassiunneqartartut ukiut kingullit ingerlanerini ikiliartortut paasinarsimavoq, 2001-imi 127.000-it missaanniissimallutik 2007-imi 98.500-it missaannut apparsimallutik, tassalu 23%-it missaannik ikilismallutik.

Taamaattumik POST Greenland aammattaaq siunissami allakkanik angallassinissamut inuiaqatigiit kalaallit pisariaqartitaannik matussusiinissamut inatsisitigut piumasaqaait aammalu suliffeqarfittut sullissisutut suliassat, niuernikkut tunngaveqarluni ingerlanneqartut naammassineqarnissarpiat qulakkeerniarlugu, POST Greenland ingerlatsinerminik aningaasaqarnerminillu pisariillisaanissamut pitsanngorsaanissamullu tatineqaraluttuinnarpoq. Aningaasartuutitut politikkimik sukannerulersitsinissap saniatigut aningaasaqarnerup pitsaasumik ingerlalnissaa anguniarlugu iliuusissatut suliniutissat arlalippassuit suliarineqarput, taakkulu POST Greenlandip suliniutissanut iliuusissanullu pilersaarutaani takuneqarsinnaapput. Aviisinik nassiussinerup akiusup atorunnaarsinneqarnissaa – taamaalillunilu POST

23.09.2009  
J.nr.Postboks 909  
3900 Nuuk  
Oq/tel +299 34 54 00  
Fax +299 34 54 10  
aan@gh.gl  
www.nanoq.gl/aan

Greenlandip aningaasartuutaasa matuneqartalernissaat - suliniutissarpassuit ilagiinnarpaat.

Post Greenlandip aviisinik nassiussinermut akinut immikkut ittunut aningaasartuutai ukiumut 1,5 – 2,0 mio. koruuninik amerlassuseqartarput. POST Greenland maannakkorpiaq niuerfimmi anguneqartartut 20%-ii sinnerlugit tapiissuteqartarnissaminut akissaqanngilaq. Taamatuttaaq tunisassiat POST-ip siaruarternermik neqerooruteqartartorpassuit unammillerlugit ersarluttumik taperseeqatigiisitsisarnera imminut nammassinnaanngilaq.

### **Tunuliaqutaq.**

Ullumikkut aviisit nuna tamakkerlugu saqqummersartut marluk, tassalu AG aamma Sermitsiaq aviisinik nassiussinermut immikkut ittumik akeqartitsivigineqarput.

Aviisinik nassiussinermut immikkut akeqartitsineq pissutaalluni aviisit akikinnerusumik siaruarterneqartarput, aammalu allakkanik poortukkanillu nalinginnaasumik nassiussinertut akeqartinneqartaratik. Tassalu siaruarternermi POST Greenlandip aviisinik agguaassinermut aningaasartuuterpiat matussuserneqarneq ajorput. Aviisit nukingiussatut suliarineqartarput, tassalu tunisassiaq taanna tunisassianut allanut tamanut naleqqiullugu salliutinneqartarpoq, nutaarsiassanik pilersorneqarneq pitsaanerpaaq qulakkeerniarneqartarluni. Tamatuma nassatarisaanik aviisit akikitsuarsuarmik akiliisarput, kisiannili nassiussaata pilertortumik agguaanneqartarlutik.

Aviisit nuna tamakkerlugu saqqummersartut marluk taakkua siaruarternissarnermut tapiissutinik assigiinngitsunik marlunnik pissarsisarsimapput. *Aviisinik nassiussinermut tapiissut*, taamanikkut KIIP-imit aqunneqarsimasoq aamma *aviisinik nassiussinermut immikkut ittumik akigititaq*, taannalu atorlugu POST Greenlandip aviisit nassiuttarpai.

*Aviisinik nassiussinermut immikkut ittumik akigititaq* 1993-imi allanngortinneqarsimannngilaq, taamaallaalli 2001-imi angallassinermut aningaasartuutitut atatillugu annikitsumik akitsuuserneqarsimalluni. 2008-p naanissaata tungaanut *aviisinik nassiussinermut tapiissut* aningaasanut inatsit aqutugalugu aningaasaliiffigineqartarpoq. Aviisit nuna tamakkerlugu sumiluunniit najugaqaraluaaraanni atuisunut akit naammaginartut atorlugit siaruarterneqarnissaat qulakkeerniarlugu aviisinik nassiussinermut tapiissut taanna tunniunneqartarsimavoq.

2006-imi aviisinik nassiussinermut tapiissutit konto pingaarneq 40.14.09 Kalaallit Nunaanni aviisinut aamma NCB-mut akitsuutitut tapiissutit, naapertorlugu 2009-p tungaanut aningaasaliissutit ukiumut 200.000 koruuninik ikilisinneqartarnissaat siunertarlugu 624.000 koruuninut missingersuusiorneqarput. Tassalu aningaasaliissutissanik taakkuninnga missingersuusiornermut tunngaviusut innersuussutigalugit, ukiut arlallit ingerlanerini aviisinik nassiussinermut tapiissutit ikilisikkiartuaarneqarnissaat, aammalu 2008-p naanerani peerneqarsimanissaat ilisimaneqarsimavoq.

### **Allakkerineq pillugu Inatsisartut peqqussutaat**

Allakkerineq pillugu Inatsisartut peqqussutaanni nr. 8-mi, 14. november 2004-meersumi § 25, imm. 2 naapertorlugu Kalaallit Nunaata iluani kiisalu Danmarkimut nassiussinermut akít, tassalu aviisinik nassiussinermut immikkut ittumik akigititaq Naalakkersuisunit akuerineqartussaapput.

Allakkerineq pillugu Inatsisartut peqqussutaanni nr. 8-mi, 14. november 2004-meersumi § 1 naapertorlugu POST Greenland niuernikkut tunngaveqarluni ingerlanneqartussaavoq. Aamma aalajangersakkamut nassuiaatini allassimavoq, “aningsartuutit isertitanut naapertuutissapput. POST Greenland immikkut ittunik, sullitanik akiliisitsinikkut aningsartuutininik matussusiiviusinnaangitsunik suliakkerneqartillugu suliakkiisup akiliisinneqarnissaa anguniarneqartassaaq.” Tamatuma nassatarisaanik POST Greenlandip “aviisinik nassiussinermut immikkut ittumik akigititaq” aamma aningsartuutiviusut assigiingissutaat Nunap Karsianut akilersinniarsinnaavai, allakkerineq pillugu Inatsisartut peqqussutaanni nr. 8-mi, 14. november 2004-meersumi § 3, imm. 1, nr. 2 naapertorlugu Naalakkersuisut suliakkiisuummata.

#### **Siaruartereriaatsit allat**

AG aamma Sermitsiaq ukiut arlallit ingerlanerini atortut elektroniskiusut atorlugit saqqummertarput, taakkulu aqutugalugit innuttaasut aviisini naqítani qulequttat pingaernerit allaaserisallu aallartinneri pilerisaarutit takusinnaavaat. Aamma aviisit ilivitsut atortut elektroniskiusut atorlugit imaluunniit print on-demand aqutugalugu pisartagarineqarsinnaapput. Ilisimasassanik pissarsinissamut aammalu Kalaallit Nunaanni oqartussaaqatigiilluni oqallinnermut peqataanissamut periarfissat nunani allanisulli internettip atugaajartornera ilutigalugu amerleriarujussuarsimapput. Tusagassiorfiit tamarmik tusagassiorfiillu nutaat amerlanerujussuit innuttaasut peqataanissaannut periarfissiinerisigut paasissutissanik pissarsinissamut, isummernissamut oqallinnissamullu periarfissat aatsaat taamak pitsaatigilersimapput. Allaammi internettikkut nutaarsiassaqaqarfinnik nammineq atorusutanik pilersitsisoqarsinnaalersimavoq, aammalu isummernerit soqutigisallu amerlasoorujussuit inissaqartinneqalersimallutik. Apeqqutit nunarsuarmut tunngasut pillugit ilisimasassat internettikkut nutaarsiassaqaqarfiit atulernerisigut aatsaat taamak amerlatigilerput.

Kalaallit Nunaanni aviisit siaruarterisarnermut aaqqiissutissanik allanik misissuinerminni sakkortusititseqqinnissamut piffissaqarsimapput kajumissaarneqarsimallutillu, tassami siusinnerusukku aviisinik nassiussinermut immikkut ittumik akigititaq atorunnaarsinneqarnissaa pillugu isummernissamut tunngavissamik nassiussisoqarsimavoq, tassanilu aamma aviisit tusarniaaffigineqarsimallutik.

Teknikkikkut ineriartornerup nassatarisaanik aviisit iliuuseqarnissamut annertuunik unammilligassaqaqarmata Naalakkersuisut paasilluarpaat. Naalakkersuisulli nassiussinermut tapiissut pisumi matumani aningsaqaqarnikkut kajumissaatit eqqortutut isiginngilaat.

Naggasiutigalugu ilassutigissavara, innuttaasut paasissutissinneqarnissamut, qaammarsaanissamut oqallinnissamullu periarfissaqarnissaasa pingaaruteqarnera Naalackersuisoqarfinniit pingaartilluarneqarmat.  
Naalackersuisut isumaat malillugu tusagassiuutinut tapiisarnissaq suliffeqarfiup suliassarinnigilaa.

Neriuppunga allagaq manna aqutugalugu apeqqutisi naammaginartumik akisimassallugit, kisiannili taamaanngippat saaffiginneqqissinnaavusi.

Ikinngutinnersumik inuulluaqqusillunga

Jens B. Frederiksen